

Informe sobre o Índice de Comercio polo Miúdo


Datos correspondentes a xaneiro de 2026

Data de publicación: 11/03/2026

Principais resultados

- O índice xeral do comercio polo miúdo a prezos constantes rexistrou en Galicia un crecemento interanual do 5,7% no mes de xaneiro de 2026. En España aumentou un 3,7%.
- Por produtos, as vendas en "Alimentación" aumentan un 4,3% e en "Resto de produtos" un 7,6%.
- O índice xeral do comercio polo miúdo a prezos correntes crece un 6,5% en Galicia en xaneiro de 2026 con respecto ao mesmo mes de 2025. En España aumenta un 4,7%.
- O índice xeral de ocupación rexistra unha taxa interanual do 0,9% tanto en Galicia coma en España.

Índice xeral do comercio minorista a prezos constantes. Taxas de variación interanual (%)



Fonte: INE.

1 Índice xeral de comercio polo miúdo a prezos constantes

O índice xeral do comercio polo miúdo a prezos constantes aumenta un 5,7% en Galicia e un 3,7% en España en xaneiro de 2026 con respecto ao mesmo mes do ano anterior.

O índice xeral sen estacións de servizo medra un 5,6% en Galicia e un 3,6% en España respecto a xaneiro de 2025. Desagregando por produtos:

- "Alimentación" incrementa a facturación un 4,3% en Galicia e un 3,5% no conxunto de España.
- "Resto de produtos" medra un 7,6% en Galicia e un 4,8% no conxunto de España.

Índices de comercio polo miúdo a prezos constantes. Xaneiro de 2026

Galicia

	Índice deflactado	Taxa interanual (%)
Xeral	106,5	5,7
Xeral sen estacións de servizo	105,2	5,6
Alimentación	93,6	4,3
Resto	120,4	7,6

Fonte: IGE. Elaboración propia a partir dos datos subministrados polo INE.

España

	Índice deflactado	Taxa interanual (%)
Xeral	111,0	3,7
Xeral sen estacións de servizo	110,5	3,6
Alimentación	99,9	3,5
Resto	126,6	4,8


Fonte: INE.

2 Índices por comunidades e cidades autónomas

As vendas aumentan en taxa interanual en todas as comunidades e cidades autónomas. Os maiores incrementos rexístranse en Aragón (6,4%), País Vasco (6,1%) e Asturias (6%).

Índice xeral do comercio minorista a prezos constantes. Xaneiro de 2026

Taxas de variación interanual (%)



Fonte: INE.

3 Índice xeral de comercio polo miúdo a prezos correntes

O índice xeral do comercio polo miúdo a prezos correntes aumenta un 6,5% en Galicia e un 4,7% en España no mes de xaneiro de 2026 con respecto a xaneiro de 2025.

O índice xeral sen estacións de servizo rexistra unha taxa do 7,4% en Galicia e do 5,5% en España. Desagregando por produtos, en Galicia, as vendas aumentan un 7,7% en "Alimentación" e un 7,2% en "Resto de produtos". En España, rexístrase un incremento do 6,9% nas vendas en "Alimentación" e do 4,5% en "Resto de produtos".

Índices de comercio polo miúdo a prezos correntes. Xaneiro de 2026

Galicia

	Índice	Taxa interanual (%)
Xeral	128,3	6,5
Xeral sen estacións de servizo	128,7	7,4
Alimentación	125,3	7,7
Resto	131,3	7,2

Fonte: IGE. Elaboración propia a partir dos datos subministrados polo INE.

España

	Índice	Taxa interanual (%)
Xeral	133,9	4,7
Xeral sen estacións de servizo	135,2	5,5
Alimentación	133,9	6,9
Resto	136,3	4,5

Fonte: INE.

4 Índice de ocupación

No mes de xaneiro, o índice xeral de ocupación amosa unha taxa de variación interanual do 0,9% en Galicia e en España.

Índices de ocupación. Xaneiro de 2026

Galicia

	Índice	Taxa interanual (%)
Xeral	104,7	0,9
Xeral sen estacións de servizo	104,5	0,9

Fonte: INE.

España

	Índice	Taxa interanual (%)
Xeral	106,4	0,9
Xeral sen estacións de servizo	106,5	0,9


Fonte: INE.

5 Índices de ocupación por comunidades e cidades autónomas

En xaneiro, a ocupación no comercio minorista aumenta en 17 comunidades e cidades autónomas. Os maiores incrementos rexístranse en Ceuta (3,4%) e Asturias (3,1%). En País Vasco diminúe o persoal ocupado (-0,1%) e en Illas Baleares mantense sen variacións.

Índice xeral de ocupación. Xaneiro de 2026

Taxas de variación interanual (%)



Fonte: INE.

6 Notas metodolóxicas

Os índices de comercio polo miúdo son uns indicadores conxunturais que teñen por obxecto coñecer as características fundamentais das empresas dedicadas ao exercicio do comercio polo miúdo en España, e que permiten medir, a curto prazo, a evolución da actividade das empresas incluídas na sección G da CNAE-2009.

Os índices calcúlanse como un índice Laspeyres encadeado con ano base 2021 (encadeamento mensual no mes de decembro).

Os índices de comercio polo miúdo a prezos constantes mostran a evolución das vendas do sector minorista unha vez eliminado o efecto que os prezos teñen sobre as ditas vendas.

Os deflactores que se utilizan nos distintos índices a nivel de comunidade autónoma son:

- Índice xeral de comercio minorista: IPC xeral sen IVE sen servizos nin alugueres; nin automóbiles, outros vehículos, repostos e accesorios para mantemento.
- Índice xeral sen estacións de servizo: IPC xeral sen IVE sen servizos nin alugueres; nin carburantes e lubricantes, nin automóbiles, outros vehículos, repostos e accesorios para mantemento; nin distribución de auga, nin electricidade nin gas.
- Índice Alimentación: IPC alimentos, bebidas e tabaco sen IVE.
- Índice Resto: IPC xeral sen IVE sen alimentos, bebidas e tabaco; nin servizos nin alugueres; nin carburantes e lubricantes; nin automóbiles, outros vehículos, repostos e accesorios para mantemento; nin distribución de auga, nin electricidade nin gas.

Os índices de comercio polo miúdo a prezos constantes obtéñense como cociente entre os índices de comercio polo miúdo a prezos correntes e o deflactor.